

Referat frå møte i Utval for utdanning og internasjonalisering (UUI)

Tid: 25.11.2019, kl. 14:15-16:00

Stad: rom 400, HF-bygget

Til stades: Heming Gujord (undervisningskoordinator), Rolf Beev (digital kultur), Koenraad de Smedt (språkvitskap), Torodd Kinn (nordisk språk), Keld Hyldig (teatervitskap), Aidan Conti (klassisk), Bente Knold Kiilerich (kunsthistorie), Elisabeth Bjugn (vara norskkursa), Signe Nilssen (sekretær), Arnt Robert Leganger (studentrepresentant), Markus Pold (studentrepresentant)

Meldt forfall: Christine Hamm og Else Berit Molde

Ikkje møtt: Erik Bjerck Hagen og Espen Holthe

Saksliste

UUI-sak 9/19: Godkjenning av innkalling og saksliste	2
UUI-sak 10/19: Orienteringssaker	2
O-sak 1: Referat fra førre møte i UUI.....	2
O-sak 2: Ny mal for oppsett av opptakskrav for masterprogram	2
O-sak 3: Mentorordning.....	2
O-sak 4: Programsensoravtaler ved LLE.....	3
O-sak 5: Ressursbudsjettering	3
O-sak 6: Emneevalueringar og programevalueringar	3
UUI-sak 11/19: Drøftingssaker.....	3
Drøftingssak 1: Programkoordinering.....	3
Drøftingssak 2: Undervise for første gong	4
Drøftingssak 3: Mandat for UUI på LLE	4
UUI-sak 12/19: Vedtakssaker	4
Vedtaks sak 1: Vararepresentant til Studiestyret	4
Vedtaks sak 2: Møteplan for våren 2020.....	5
UUI-sak 13/19: Ymist	5

UUI-sak 9/19: Godkjenning av innkalling og saksliste

UUI-sak 10/19: Orienteringssaker

O-sak 1: Referat fra førre møte i UUI

O-sak 2: Ny mal for oppsett av opptakskrav for masterprogram

Studieleiar Signe Nilssen orienterte.

O-sak 3: Mentorordninga

Undervisningskoordinator Heming H. Gujord orienterte.

Arbeidsgruppe arbeider no med eit opplegg der dei skal levere ein rapport med tilrådingar. Opplegget skal vere klart til hausten 2020.

Signe og Heming skal til Bodø for å lære meir om dette i desember.

HF arbeider med eit opplegg som svarar til eit opplegg dei har på MatNat, der studiestartgruppene held fram med å vere mentorgrupper. Dette skal skje i første og andre semester (første studieår). Ein ynskjer å rekruttere erfarne studentar til å bli skulerte og tilsette som mentorar.

Det kan bli ulike opplegg på dei ulike institutta og fagmiljøa då enkelte av desse einingane alt har eigne opplegg som fungerer.

Rekruttering og opplæring av mentorar skal skje i vårsemesteret 2020.

Dersom det finst ressursar, vil ein leggje til rette for ei mentorordning der mentorane kan verke i par.

Keld: Dette er positivt for teatervitskap då vi ikkje har førstesemesteremne. Det vil nok fungere best med to og to som leier grupper saman.

Arnt Robert orienterte om si erfaring som del av studiestartgruppe.

O-sak 4: Programsensoravtaler ved LLE

Sidan sist møte har vi fått oppnemnd programsensor for teatervitskap, og vi har snart nye avtaler for nordisk språk og litteratur og klassisk. Programsensormappa blei sendt ut med førre referat.

Studieleiar Signe Nilssen orienterte

Det blei stilt spørsmål om programsensur vs. 5-årsplanen for programevaluering som skulle diskuterast som eiga sak seinare. Dette er to ulike evalueringar. Rapport frå ekstern fagfelle er nyttig å ha med i arbeidet når ein skal evaluere programma sine sjølve.

O-sak 5: Ressursbudsjettering

Undervisningskoordinator Heming H. Gujord orienterte.

Dette er eit nyttig verktøy for å sjå kor mange undervisningskrefter ein har og finne ut kvar ein t.d. må kutte i undervisinga. Særleg må vi sjå på dette når det ikkje berre er å hente inn vikarar ved behov på kort sikt. Alle vikariat må lysast ut, og difor må vi planlegge i god tid. Dersom ein også skal få bukt med plusstidssaldo, må vi ha oversikt før semesteret er i gang.

O-sak 6: Emneevalueringar og programevalueringar

Studieleiar Signe Nilssen orienterte.

Koenraad er ueinig i måten eigenvurderingsskjemaet skal handterast på. Dårleg tilgjenge, og ikkje søkbart.

Det kjennest som ei ekstra stor belastning når vi skal ha eigenvurdering kvar gong emnet går, også i tillegg til studentevaluering. Vidare blir det ekstra jobb for programstyreleiar å samanfatte eigenvurderingane og rapportere vidare.

Vi kjem attende til saka med kvalitetssystemet neste møte. Vi inviterer gjerne Inger Marie Hatløy for å forklare.

UUI-sak 11/19: Drøftingssaker

Drøftingssak 1: Programkoordinering

Undervisningskoordinator Heming H. Gujord innleia.

Det er varierende grad av kompleksitet i programma ved LLE og UiB. Studiekvaliteten oppstår ikkje på emnenivå, men på totaliteten i programmet.

Om det er veldig stort tilbod av undervisning og læringsaktivitetar, kan vi konkurrere med oss sjølve.

Ein del studietilbod har til dels dysfunksjonelle timeplanar. Særleg om programmet høyrer til fleire fakultet/institutt.

Dette kjem vi tilbake til

Drøftingssak 2: Undervise for første gong

Undervisningskoordinator Heming H. Gujord og seniorkonsulent Anna Kristina Polster har laga framlegg til eit informasjonsdokument som vi kan gi til nyttilsette som skal undervise for første gong. Sjå vedlegg.

Undervisningskoordinator Heming H. Gujord og studieleiar Signe Nilssen innleia.

Markus: Vi bør ha med noko om fagutval og studentrepresentasjon.

Drøftingssak 3: Mandat for UUI på LLE

Undervisningskoordinator Heming H. Gujord har laga eit framlegg til nytt mandat for LLE.

Nokre presiseringar bør gjerast i teksten som gjeld fagkoordinatorar og programstyrelarar. Bør fagkoordinator for EXFAC00SK - Språkkunnskap vere med i utvalet?

Heming bearbeider mandatet jamført med diskusjonen og får fullmakt til å sende den bearbeidde saka vidare til IR på LLE.

UUI-sak 12/19: Vedtakssaker

Vedtakssak 1: Vararepresentant til Studiestyret

Undervisningskoordinator Heming H. Gujord er LLE sin representant i Studiestyret ved HF. Han treng ein vararepresentant.

Christine Hamm er foreslått som vararepresentant.

Vedtak: UUI utnemner Christine Hamm som vararepresentant for Studiestyret ved HF.

Vedtaks sak 2: Møteplan for våren 2020

Framlegg til møtedatoar:

Måndag 3. februar

Måndag 30. mars

Måndag 15. juni

Vi foreslår eit anna tidspunkt på dagen sidan Koenraad har undervising 14.15.

Vedtak: UUI vedtar møteplanen for våren 2020.

UUI-sak 13/19: Ymist

Internasjonalisering

Dette er ganske persondrive og emnenært. Vi må jobbe meir aktivt med dette.

Vi må trakte etter å ha "pakkar" som vi kan tilby studentar. UUI og undervisningskoordinatorar bør vere med å bygge opp her.

Ubehageleg situasjon med student

Undervisningskoordinator og studieleiar orienterte.

Seminar om studiekvalitet

Fagkoordinatorar og programstyreleiarar er inviterte til seminar om studiekvalitet 12. Desember. Undervisningskoordinator oppmoda UUI om å gå på seminaret.